

thutuam tuam

• **Saptuam vehna:** May 1 leh 15 nitakin, GBC a heutute leh sintute pawl 4 zela kikkenin saptuam zankhatin li zel veh uhi. May 1 zana veh aom EBCC Saptuamte, Hiangtam Lamka, Bethany, Dorcas Veng leh Zenhang Lamka, huan, May 15 zan a veha om EBCC Saptuamte Central Lamka, Central Lamka South, Hebron leh Vengnuam ahi. Hiai programte ah sintuten testimony leh Special number pia ua, heutu khat in GBC toh kisai theihtuak gena, khatin Pathian thugenna hun zang hi. Manpha leh phatuam a theih ahi.

• **Oral Comprehensive Exam:** May 13 in B.Th. leh M.Div. Finalte a dingin Oral Comprehensive Exam om hi. Final yearte a dingin hiai poimoh mahmah a, kum 3 kum 4 sung a zil uh khatvei thu a examna hi a, hak leng haksu, poi leng poimoh mahmah hi. Kipahhuai takin avek un hong lohching ua, ikipahpih mahmah chiat hi.

• **Exam:** May 23-27, 2011 sung 2011 adia Spring Semester Final examna om a, buaina omlou a zoh siang ahilmanin kipahhuai isa hi. Lohchin i deihsak mahmah chiat.

• **Farewell:** Monday, May 30, 2011 in heutute leh sintute adingin kikhakna, Farewel program om a, Biakin sunga program nuamtak aom nungin, apolam ah leng heutute leh sintute kimawlina om hi. Tua zohin annekhawmna om a, damtakin chiih kikhelah tak chiatin kikhin uhi. Fall semester a kimu nawn ding leh hong tel nawnlou ding zong om uhi.

• **Mentoring:** Tu semester akipan, nidanga om ngei nailou, studentte tamloulou in heutute laka hawmzakim, mentoring chiih kithuah khawmna, haksatna leh thiltuah tuamtum kikuphawmna kithumsak tuahna oma, manpha mahmah hi. Semester thakah manpha sem a zat theih lamet ahi.

VET in hongveh:

VET ichih chiangin Visiting Evaluation Team, chihna ahi. Huai bel Asia Theological Association a Accreditation bawl Bible Collegen, hiaite (ATAte) degree mah pia ihilmanin, amau degree petak mah hina ihilmanin chih kum nga dan zela a etkhiakzel na uh genna ahi. Amau May 2-3, 2011 sung GBC hong enkhia uhi. A hon thunutsiat uh, Kum nga paisa (kum2006) a tu abanga ka hong etkhiak lai ua na semsua un kon chihle uh na sepsua uh muhdng atawm chi uhi.

Library a laibute leng ka chihdan ua na leplouh zikun heutute leh sintute a dingin laibu zonkhiak haksu chi uhi. Department tengah sinsaktu a kiching naneih uh, kul, chi uhi. Thudang dang tampi leng a nusua uhi. Amauten December 2011 tan hun honpia uh, huai tuh December kha chianga "Non hilh bang-bangun ka zouta uh" chiih zouta chihna lai nahon pe ding uhi. Huchiih na zoutaktak uh hiam chih ka hong enkhe ding ua, lungtunhuaia a, kon muh ualeh, huai chiangin na 'accreditation' uh ngaihsut theih ahi ding. Tulelin na accreditation uh lauhuai (risky) dinmun ahi, achi uhi. Hiaia VET memberte bel, Rev. Dr. Kh. Khaizakham, Principal, Evangelical College of Theology; Dr. Peter Thiumai, Dean of Academics, Chilchil Theological Seminary, Kanglatongbi leh Rev. J. Uday Kumar, Assistant Registrar, ATA te ahi uh. Hiaia thumna ding a om mahmah hi.

personal testimony

Ka min ahileh Robin Raut ahi a, Kristian innkuan apan a piangleh khangkha ka hi. Yavatmal, Maharashtra state apan a hong kipan ka hi. Ken sanggam pasal khat leh numei khat kanei a, amaute'n leng tulel in a innkuante uh chiat toh Pune, Maharashtra ah Pathian nna a sem uhi. Pathian' thuleh la toh honkem a hon khoiliantu ka nu leh pa tung ah kakipak mahmah hi. Yavatmal khua a teng himah le ung kum 1983 in Pune khopi ah ka pa' sepna ziakin ka kisuan uhi.

Ka neu chik a panin Sunday School lehbiakna ah ka kihel gigea, tuailaite lak bang, seminar leh khawmpi tuamtumte ah leng kana telzel a, huchiih ah kum 1990 in Tuailai camp U.B.S ah (kumteng a akineihzel bangin) huai kum inle a kinei nawn hi. Huaihun ah Pathian houpihna za in "Mihingte khialvek I hihdan" ka hon theikhia hi. Mi hoih mahmah ka kisak lai a mikhial ka hih lam Kha Siangthou in hon kithei chiansak a, ka hotdamna pen a diklou eive chi in Pathian kiang ah khial ka hihdan kipuung in a ngaihdamna ka na ngen hi. Huchibangin ken Jesu Khris ka lal leh ka hondampa din kana sangta hi. Huchi a ka kilatkhiat tawh kiton in kei ah lungnopna leh kipahna thupi takmai, ka hinkhua a kaneih khak ngeilouh kahonnei a, ka hinkhua tuh kipahna thupitak in a dimta hi.

Hunte hongpai in matric ka honzou a, Electronics toh kisai Diploma course khat sin in ka zawh tawh kiton in Company ah kum 8 vingveng ka hon sem hi. Huchi a ka nasepna leh Biakinn a ka kizatnate paihoih touzel kachih lai in, ni khat Pathian hon sapna ka lungsim tawng ah za hi-in ka kithei a, huabel Amah a dia ka hun teng pekhaia a kizang din honsam hi. Ken leng ka sepna kitawp in Pathian na kasepna ding hun manpha ka zong hi. Huchia Pathian na semding a thutanna ka lak tawh kiton in, Setan in sum deihna lianpi tawh honzol a huchiih kana puk kha nawn hi. Kei leh kei in sum muh nang business(sumbuk) khat ka pan khia a, huai chuh kholum gam a akizang mahmah A.C leh a dang dang zuak khiak leh repair kahon pan a, sum kasen tam tawh kiton in tampi mah ka mu a, ka business hong lohching mahmah hi.

Huai hunlai tak a ka dinmun tuh jawlnei "Jonah" toh ka kiteh mahmah hi. Pathian in Amah nna sem dia honsap hinapi in (sapna lengza a thutanna la khin), Pathian apan ka taikhia hi. Himahleh Pathian in lamdang takin lamdik ah honpi kik hi. Huabel, nikhat damlou khosik in ka om a, hileh leng kihalsak in ka business(Sumdawna) nna kasem thouthou hi. Kal khat hongpai takin ka dam kei deuhdeuh a, ka thabei in, ka khut natawm tang zou nawnlou in lupna tung ngak in ka hong omta hi. Doctor ah a huntak a ka pai theihlouh manin ka innkuante a lunghimawh mahmah ua, himahleh hiai tengteng Pathian honsehsak ahingei ka gingta ahi. Huchi in A nna sem a ka hinkhua ama adia zang ding ka hihdan hon theisak thaknawn hi.

Hiai huntak belkei a ding in hun haksu tak leh lauthawnghuai mahmah hi napi-in Pathian ah ka kipah thakna hun hongsuak hi.

Huchi in Pathian kiang ah honsuk dam na ding leh a sapna ka nelhsiahte ziakin ngaihdam ka ngen ta hi. Dam a nithak mu nawn ding ka hi hiam chih leng kathei ban kei a, himahleh Pathian hehpihna zik in lamdang takmai in zingkal ka mu a, ka natna tengleng a dam hi. Hiai apan kazil khat ahileh Pathian hon itna bei thei ngeilou ahil dan ahi. Hinna thak kon ngahkik a huchiih a zing in ka van tengteng zuakin ka business(Sumdawna) a ka kizoppih tengle houpih in tawpta ding ka hihdan ka hihvek hi.

"I hinna Pathian kiang a i piak khiak leh bangmah lauh ding leh kisikna ding a omkei hi".

YCLT (Yavatmal College For Leadership Training) ah Bible ka honzil a, kazoh phet in kha bang zah hiam ka sem ngal hi. Huchiih, 21st December, 2005 in Sharon Chingneihoih toh Rev. Dr. Luaichinthang tungtawn in E.B.C.C Zenhang Lamka ah ka kiteng uhi. Pathian vualzawlina tangin tanu khat, Angel Mannem, honpia hi. Hiai bangteng Pathian zik ngen ahi chih phawk kawm in Amah min kaphat hi.

Ka zi toh orphanage home ah kum 3(thum) kasem ua, Free Methodist Church, Pune a Hindute tamna mun ah Pastor nna kasem kawm hi. Pathian ompihna in saptuam thak phutkhe theiin, gingtu leng kibehlap touzel hi. Hiai hi Pathian' nasep ahi ka chilou theikei a, huaijia in Pathian min kaphat hi(Sam 117:1).

Toupan thupina tang hen! Kakipak e!



Editorial



Tukum 2011 a Spring semester tawp dong hong musaktu a hong makaih tawntung Pathian tungah kipahna lian lua hi. Hiai Semester sungin sintute leh sinsaktuten masawna tuamtuam tampitak I ngah uhi. A kingahzou mahmah lou ding a hita diam chi a I lungkiak dimdem nungin Compound sunga kikawm-tuahnte a zahtakhuai Minister Pu Phungzathang' panlakna in Black topping hong kibawl vek a, nuamtuan lua hi. Issue masa a I simtak bangin heutu thak I neihte banah, heutunu Chingbiakmawin leng semester tawpkuan lamin hun tomchik adingin hong join a nuam tuam mahmah hi. A kipiak zohna, a felna leh thugen a siamnate thupi kisa zouhial hi. A sepnna mun peuhah Toupan ompihin, vualzawl in kithuahpih hen chih I deihsakna leh I thumsakna ahi.



Tu semester en lamzang leh khamuang taka I zatzoh laiin, leitungah thil thupi tampitak tung hi. Japan in Tsunami, Jinling, tuipi kihawt zuazua, huihpi-vuahpi hatlua thuaka, a thuak uh nak thupi lua hi. A thiltuuh uh amulkimhuai dan genzohvual hilou hi. In tampitak a luana luang zuazua imuh chaingin mulkimhuai petmah ahihdan kithei hi. Himahleh gam leh nam aitna uh, sih ngapa a mihinpihte ua dinga apandan uh thupi lua hi. Thamlouin, tuabang huna bangchi om ding chi a, ana kisakhol uh ahihmanin, gintaksangin tawm si zo uhi. Huailaiin, Africa gama gam tuamtuam ah, vaihawmten kum tampipi gilou tak leh huham taka vai ahawm ua, mipiten thuaklah mahmah lah paungam hetloua kum sawmtamtak a thuak nungun, hong kiphin ngamta uhi. Hiaiin mipi adia hoih a vaihawmna, leh mipi vaihawmna ahon tut ngei I lamem. Tuhun hi laodesia hun, mipi vaihawm hun himah hi. Saptuam ah leng, khovel ah leng mipi vaihawmna mah tulaitakin kuapeuh in ahoihpen in ngaihsun tadih hi. Hiai hunsung mahin Americaten kum sawm mahmah a zonzon ua, a loh ngaihsun theihlou banga alat laiun, May 1, 2011 zanin, a omna in ah sepaihsiam tungtuang Navy seals kichiten Osama Bin laden va buluh ua, na pangse keileh hingmat asawm uh, ana panzek ziakin kaplum ua, a luang Arabian tuipi ah vui uhi. Hiai hi America adingin lohchinna thupi mahmah ahi. Saddam Hussein leng a kibukna apan zongkhia in that zou ua, Bin laden leng huchi bang mah in. Hiai hi tulaia khovelin abildoh mahmah thiltung ahi. Haiti gam leng zinling hattak in anuai nungin malaria hipi in nuai ek nawn a, duaisan silou uhi. Hibang kala eite tuabang thil mulkimhuai lua thuakloua i om ua, i routine leh programte kise hetloua I zat tangtun ziakin kipah thu gen chiat ni. Kha nih sung mun tuamtuama kikhen zaka, August kha bullam hiam July kha tawplama chidam leh akim dia lamette kim taka I paikhawm nawn siausiauna dingun thumna ah kiphaw chiat ni. Hiai khawl sunga thiltuuh nuamlou, accidentte, damlouhntate eimah leh I inkuante tunga atunlouhna dingin leng kithumpih tuah chiat ni.

hongveh te: SPRING SEMESTER, 2011

1. Rev. Prince David, India a Tear Fund toh kisaia thunei lianpen in GBC Home Based Care February 22-23 sung hongveh a, Home Based carete nasepna hong enkhia hi. Khosung mun tuamtuam a Home Based Care Nasepnate leng va enkhia hi. GBC a Home Based Care pen Tear Fund sponsored ahi.
2. Rev. Goodrum leh a lawm Rev. Kernel Rice in February 28, 2011 zingsang, 9:30 AM a GBC Students leh heutute kikhopna ah thugenna hun hongzang uh. Amaute USA a hongkipan hi ua, Program tuama hongzin, hiahun hong zangzual ahi uh.
3. March 7, 2011 seppatni, zing 9:30 -10:30 AM sung GBC a students leh heutute kigawm Biakna kikhopna ah, Wycliffe Global Alliance (Ama a Wycliffe Bible Translators, kichi) pawl in GBC hongvehua, thugenna hun hong zang uhi. A thupi uh, Leitung apau omteng adinga Bible lehkhiahsak a, sutkhiahsak ngeingei ding ahi, chih ahi. Tulel apaidana I paileh, tuapan kum 150 tanin kizou phet ding. Himahleh, Kristiante kisiakni in, kum 2025, chihbel, tuapan kum 15 tan a zouding in panla ni, chi uhi. Hiai hun a hongveh, Greg Dekker, SAG Director banah, a honzuite, Rev. Helien Singsit, Rev. Daehee Lee leh Rev. Lal-malsawm ahi uh. Amau gendanin, Leitung pumpi ah pau tuamtuam 7000 phial om a, pau 2000 in Bible nei nailou uhi. Amauten ahon neihsa ding un a semtu, a thumtu sum petu tamsem poimoh mahmah, chi uhi. Hiai thiltup a tangtunna dingin thummi.
4. Monday, April 11, 2011 in, Maharastra Village Ministries a heutulian pen Rev.D.B. Kulothungan in hongveh in, heutute leh sintute Devotion neihkhawmna ah thugenna hun manphatak hongzang hi. Pathianin ahondeihna leh sapna bangbang a azat dingin kakiman, chih khutlika taklang tamtak om hi.
5. Heututhak : March 7, 2011 apan heutu thak Dina Chandra in hong join hi. Amah Awangpotsangbam a Kh. Naba gahsuh, tua leng amau saptuam a om lai ahi. Amah M.Th.(New Testament) zou ahi. Kerala ah sinsaktu in kum 2 val pang khinta hi.Kh. Naba i chih chiangin hunsawttak EBC missionary ahi. Huchi ahihmanin, Kh. Naba gahsuh tuh EBC gahsuh leng ahi.

Academic Calendar, Fall Semester, 2011

SLN	EVENTS	MONTH	DATE	DAY
01.	Last Date of submission of Forms	July	20	Wednesday
02.	Entrance Test of New Applications	July	21	Thursday
03.	Personal Interview of New Applicants	July	22	Friday
04.	Hostel Mess Opens	July	25	Monday
05.	Last Date of Admission without fine	July	25	Monday
06.	Semester Opening & Orientation	July	26	Tuesday
07.	Commencement of Class	July	27	Wednesday
08.	Independence Day	August	15	Monday
09.	Mid-Semester Exam	September	19-23	Mon - Friday
10.	College Annual Sport	October	13-14	Thu & Friday
11.	Bible Memory Verse Exam	October	21	Friday
12.	Kut	November	1	Tuesday
13.	Oral Comprehensive Test	November	3-4	Thu & Friday
14.	Final Exam	November	21-25	Mon-Friday
15.	Farewell cum Advance Christmas	November	27	Sunday
16.	Graduation Day	December	2	Friday
17.	Hostel Mess Closes	December	5	Monday
18.	Due for Grade Reports	December	9	Friday

fee structure

I. COURSE REGISTRATION FEE	₹ 1,000.00
#To be paid at the time of Admission by New Students	
II. COURSE ADMISSION FEE	₹ 3,000.00
#To be paid at the time of Admission in each Semester by all Students	
1. Tuition Fee (300X4)	₹ 1,200.00
2. Library Fee	₹ 500.00
3. Course/ Subject materials	₹ 600.00
4. Medicare	₹ 200.00
5. Games & Sports	₹ 200.00
6. Examination	₹ 300.00
III. HOSTELLERS	₹ 1,100.00
#Payable on or before the 5th of every Month	
1. Fooding & Lodging	₹ 1,000.00
2. Pocket Money (Own Arrangement)	₹ 100.00
Medicare for Own Arrangement Except First Aid	
IV. INCIDENTAL EXPENSES	
1. Prospectus and Application Form (50x2)	₹ 100.00
2. Unauthorized absence	
a) Per one class on working day	₹ 10.00
b) Per day on special Official days	₹ 10.00
c) Per day for Late Admission	₹ 10.00
V. RECOMMENDED BOOK GRANT PER YEAR	₹ 1,000.00
# Prescribed books will be arranged for students who deposited the amount	

Sunna: Pi Zachhung, (Mrs. Chhungi) a zahtakhuai Pu T.Phungzathang' in-teknu in ahunlou takin thupina gamah ahon paisana, GBC in kisin mahmah hi. America a hun sawttak ki enkoi in, huai apan Air Ambulance in America apan Imphal puaktunin om hi. Kidoupi nihna nung America lenna in India malsak lenna phual aboh masakna pen ahi kichi. Hiai bel danin a phallouh hi a, amah ading kia a hong kiphaw zual ahi. Palm Sunday April 17 zingsang dak 8 velin hon beisana, tuani in itna lianpi toh Paitte veng, Imphala ain uah sunna program thupi mahmah om hi. A zingchiang April 18, Monday in Lamka a Hebron veng a in uh puaktun hi-a, hiai ah leng thupisem, nasasem in a vuina program om hi. Imphal leh Lamka kikal mun tamtakah amah zahna, itna a puan a na tuam tampi petmah om hi. Huan huaini in Lamka khosunga sumbuk tengteng kikhak vek hi. Itna, sunna hunzang tam mahmah a, nitaklam dak 4 velin kizou theiphet hi. Hiaiah GBC in leng hun zanga, Class tengteng cancel vekin heutute leh sintuten amah sunna program hoihtakin uap khiphkep uhi. Aman GBC compound sungah prayer hall, thumna inn lianpi, hon bawlsaka, huan, a pasal Pu Thang in leng hostel liantak khat hon bawlsak hi. Tuate banah, GBC compound sunga lampi tengteng black topping hon bawlsak uhi. Pi Chhung in Toupa leh a nasepnate leh a saptuamte a nak awlmohdan, anak itdan kigen bei theilou hi. Amah banga hinkho etlawm leh manpha in hing chiat lehang leitung leng mun nuamtak suaksak ding hihang. Enton ni. Nutsiata om inkuante nakpitakin thumpih chiat ni hang.